

Ўзбекистон Республикаси Вазирлар Маҳкамасининг 2018 йил 27 апрелдаги «Ўзбекистон Республикаси Давлат геология ва минерал ресурслар қўмитаси тўғрисидаги низомни тасдиқлаш тўғрисида»ги 315-сонли қарорига мувофиқ Давлат геология қўмитасига қўйидаги вазифалар юклатилган.

ер қаърини геологик ўрганиш, фойдаланиш ва муҳофаза қилиш, шунингдек, кончилик муносабатларини бошқариш борасида ягона давлат сиёсатини амалга ошириш;

республиканинг минерал-хом ашё базасини, биринчи навбатда ер ости сувлари, қимматбаҳо, рангли, нодир, камёб металлар ва ураннынг минерал-хом ашё базасини жадал ривожлантириш, минерал хом ашёнинг янги турларини ва уларнинг конларини тезкор излаш;

геология-қидирув ишларининг самарадорлиги ва натижадорлигини ошириш, фойдали қазилмалар захираси ўсишини таъминлаш ва жойларда саноатнинг янги қувватлари яратилишини инобатга олиб иқтисодиёт тармоқларининг минерал-хом ашё базасини қайта тўлдириш;

геологик ўрганиш ва фойдали қазилмалар конларини саноат йўли билан ўзлаштириш соҳасида фаол инвестиция сиёсатини юритиш ва қулай инвестиция иқлими яратиш;

рақобатбардош маҳсулотлар бўйича замонавий ишлаб чиқаришларни ташкил қилиш учун биринчи навбатда республика ҳудудларида саноатда фаолият кўрсатаётган тармоқларнинг хом ашё манбаларини диверсификациялаш бўйича таклифлар тайёрлаш;

минерал-хом ашё базани ривожлантириш ва қайта тўлдиришнинг узоқ муддатли, ўртacha муддатли ва йиллик давлат дастурлари мониторинги олиб борилишини ва назорат қилинишини таъминлаш, ер қаърини геологик ўрганиш методикасини ўрганиш натижалари ҳажми, сифати ва ишончлилигини холисона баҳолаш;

ер қаърини геологик ўрганиш, фойдали қазилмаларни қазиб олиш (шу жумладан, минерал, термал, саноат ер ости сувлари), минерал хом ашёни қайта ишлаш, шунингдек, кончилик ишларини геологик-маркшейдерлик таъминлашда юридик ва жисмоний шахслар томонидан ер қаъридан фойдаланиш ва муҳофаза қилиш соҳасидаги қонун ҳужжатлари ва норматив ҳужжатлар талабларига риоя қилиниши юзасидан давлат назоратини амалга ошириш;

унумдорлиги юқори бўлган замонавий геология-қидирув асбоб-ускуналарини тезкор жорий қилиш, илғор техника ва инновацион

технологиялар билан таъминлаш ҳисобига геология тармоғини
модернизациялаш бўйича самарали чора-тадбирларни амалга ошириш.